

Këyítfii Pool bín Títá Wo'eencii lëgis Këyítfiida

Këyítfii fii fëri Pool bín Tít. Tít enéerfi yaawúu' wayee ya gëmba ga Kiristaanii. Ya taabin na Pool kibaab waas ciyewin ee yëri tíidee kot kijúwohi' Pool na kerceencaa ga Korentida (2 Korenti 7: 6-16). Këyítfii fii laak Tít ga Keret, dëk waa giyyaa wiil. Pool yëri foñeeri daama, sassari kitan fiibo' baa kuliyukan ga jaangaa. Ya jomee buwaa kiteeb daa baa en béeb jom kiman ga mooroomcida na daa kipeskaagaba jom kimanda. Ya wo''ari ban ki'on hel gu'gicaa, oomaacaa, ñaamcaa na daa buwaa kuliyuk ga jaangaa jom kimanda.

Këyítfii Pool bín Títá tíidoh anee:

- 1 - Këñdoh (1: 1-4)
- 2 - Buwaa kuliyuk ga jaangucaada (1: 5-16)
- 3 - Jëgírohii wukayohwii (2: 1-15)
- 4 - Badukeen kerceen (3: 1-11)
- 5 - Tanjoh (3: 12-15)

Këñdoh

¹ Mi Pool, mi súruga Kooh ee mi apotaa' Yéesu Kiristaa. Mi sasu kinook ga ngëmii buwii Kooh tanukda na ki'ínohlukohba kayohfii taaboh na ngëmiigaruuda, ² en danaa, ba laak yaakaa' kilaas ga kipeskaa leehoo taa'da. Kooh yii wo'i kayoh kesida dígeeruu kipeskii kiima, lak ëldúna sakussii duum. ³ Ga wahtaa Kooh

Músalkaatiigaruu amda, ya onnda Wo'eenaa-gari ki'ínohuk. Wo'eenaama wëri en ñii ya sassoo kiyéegalohda.

⁴ Mi yëri bínndaa këyítfi fii, fu Tít, fu yii mi aboh fodii kowuroo kayoh-kayoh ga ngëmii ðu bokda. Mi yii kím Kooh, Paamudii, ya na Yéesu Kiristaa Músalkaatiigaruu, ßa barkeel-laa, ßa onndaa jam.

Baa kuliyuk ga jaangu

⁵ Mi foñinndaa дума ga kúlkum Keret doonaa fu lëesti' iñcum tes kituuki'da, ee fodaa mi nakeeraakada, ga teeraa en béeb, fu tan buwaa kuliyukan ga jaangaa en daamada.

⁶ Baa kuliyuki ga jaangu nak jom ki'en ßa laakoo ñaa ßo' wo'an gari yibóní'. Ya jom ki'eem ga betici doŋ. Towutaagari jomin kigëm ga Yéesu, teekba hanat kibokidohu ga ñaa joffii, ee ta kelohi'ti.

⁷ En ki'ena, ßa kuliyuk ga jaangu jom ki'en ßa laakoo ñaa ßo' wo'an gari yibóní' ndaga ya sasu kituukuk lëgëyii Kooh: ya jomoo kibëwí' hafci, ya jomoo kiyooß ki'ayluk, ya jomoo ki'en anoh, ya jomoo kigaaw kifeekoh, ya jomoo kiheel kilaak hëelís ga ñaa enndii waas. ⁸ Wayee ya jom ki'en ßa waarin sagac ga kaanci, ßa waarin yijófi'. Ya jom ki'en ßa wíisohin, ßo' yijúwí', ßa erin Kooh hafci, ßa mínin hafci ki'am. ⁹ Ya jom ki'en ßa abin bi yëgisin ga Wo'eenii wukayohwii taabohin na ñii jëgírohuda. Fodaama, ya hay kimín kidaas buwaa bíinoo, kooroh ga jëgírohii wukayohwii wiima, ee ßan, ya mín kibúl buwaa saŋwada.

Kiwatuk buwii jëgírohi sabohda

¹⁰ En ki'ena, yewinin buwaa kelohsoo wo'een ken. Ba dúki buwii na wo'eenciigaba laakoo hafda. Buwaama, yaawúu'cii enu kerceenda wëñu ga kiyewin. ¹¹ Buwaama, fu jominba kiwo' ba lañ túuwtaagaba, ndaga ba híci-sohi kaan ñeeb, ba jëgírohi iñaa jomoo ki'en ee kiheel kilaak heélis ga iñaa enndii waas tahka. ¹² Laakin bo' yaa bok gaba ee ya seldiigaba, ya wo'ee an:

«Bu-Keret mos ki'enu bikaakoh-saboh,
ba bijúu' bisóotí',
ba bibo' bisëgí'-coonu, baa liilukin.»

¹³ Baa yaama, iñaa ya wo' gabada kayoh. Këri tah, ñaraaba ña' citamohí', en danaa, ba laak ngëm wukayoh-kayoh, ¹⁴ ee ba íis kitaabuk wo'een ëdítcii yaawúu'cii, na iñcii ba ebilohi kitum ee meyoh ga buwaa súgúruku-unun Kayohfiida. ¹⁵ Baa setin ga fíkíi Kooh, tooh setin ga fíkíici. Wayee buwii setussii ga fíkíi Kooh ee ba gëmmbiida, dara settii ga fíkíiba. Halaatcaagaba na helcaagaba moroo. ¹⁶ Ba tooni ki'ínoh Kooh, wayee tumeencaagaba kaakdinba saboh. Ba bibo' bi'araami', ba kelohoo wo'een ken ee ba mínoo kitum dara yijófi'.

2

Jëgírohii wukayohwii

¹ Fu nak, jëgírohaa iñaa taabohin na jëgírohii wukayohwii. ² Gu'gicum, wo'aaba ba en buwaa wíisohin, baa onuunun cée',

buwaa taabu na hel, buwaa laakuunun ngëm wiyëgísí', buwaa waaruunun bimooroomba ee tookuunun kimúuñ.

³ Fodaama ban, ya'ɓucum, wo'aaba ɓa ɓay ɓadukeen ɓaa pes ga iña Kooɓ waa'. ɓa hanat kiɓoɓ mooroomba, ɓa hanat kihaabin ga ki'an, ɓa jom kiɗígaloh yijófi', ⁴ Fodaama, ɓa yóodi' ɓeticaa han kipajukɗa kiwaa' yaalɓa na towutaagaɓa. ⁵ ɓa yóodi'ɓa kitaam na helɓa na kisaŋ caahan, kitook kitoputu' kaancaagaɓa bi jof, ki'en ɓiɓo' ɓijófi', kikelohi' yaalcaagaɓa doonaa ken wo'oo yibóní' ga Wo'eenii Kooɓ.

⁶ Oomaa-yaalcum ɓan, wo'aaba, ɓa en buwaa taabi na hel ⁷ ga iña en tóoh. Fu ga kihaffu, tumaa yijófi' doonaa fu en ga oomaa-yaalcum ɓaa ɓa malakan gari. Jëgírohuma garaa setat, wa laak haf. ⁸ Wo'eencumgaraa enat wo'een kayoh, caa ken mínoo kinís, doonaa ɓuwum sagoh naruuda hotoo dara iña ɓa wo'an garuu yibóní' ee ɓa líif na kaci.

⁹ ɓuwum abu ñaamɗa nak, ɓa kelohɗat ha'muncaagaɓa ga iña en tóoh. ɓa heelat kitum iña neɓ ha'muncaagaɓa ee ɓa hanatɓa kiwedi'. ¹⁰ ɓa hanatɓa kiloki'. ɓa namatɓa kikelohi' ga tóoh, en ɗanaa ha'muncaagaɓa ɓaama hay ki'e' cée' wiyaak iñii ɗu jëgíroh ga loo Koohyii músalluuda.

Kijofkii Kooɓ onoh kimúc

¹¹ En ki'ena, Kooɓ teewohin kijofkiigari on ɓéeɓ ɓuwii kimúsaluuda. ¹² Kijofkiima jëgí'tuu ki'íis kitaabuk kipes kibóní' na kiwaa' ëldúna ee ga jamaanii ɗu enoh diimada, ɗu ëewruk

ga kipes ga iñaa hídin, ga iñaa júwin na kitum iñaa Kooh waa'. ¹³ Du jom kisek fodaama besaa winéwí'waa du yaakaa'da. Besaama wèrí Yéesu Kiristaa, Músalkaatiigaruu, yii en Koohyiigaruu wëñ béeb, yah kihayis taam na ndamda. ¹⁴ Ya ga kihafci, ya erohin kumuunkaagari ndaga du, kimúsalluu ga tóoh yibóní' ee ya tuminnduu heetaa en wuuci, waa setin ee kaantukohi ga kitum yijófi'.

¹⁵ Iñuma yèrí fu jom kijégíroh, fu daasiba, fu ñariba, fu taam ga na kimat sèk. Kaa took nak ki'eewu!

3

Badukeen kerceen

¹ Níindísaa béeb buwaa an ba jomin kikelo-hi' ha'-nguu'cii na buwum tuukukcada[☆], ba tooki'ba ee ba tuuk ga kitum yijófi'yaa en béeb. ² Ba hanat kibas ken, ba yewinat jam, ba mínat kibayaloh, ba teewoh keeñ wimóri' ga béeb. ³ En ki'ena, kudewaa, du ban, du halaatéeríi kayoh, du tookdéeríi ken, du múyeera, du enee ñaam béeb iñaa neb kumuunnduu na iñaa du waa'. Du ínohee kisoot na kidíibuk kilaak. Du bèrí calee kisagu ee du baa sagoh ga díkaantiruu. ⁴ Koohyii músalluuda nak teewohha kijofkiigari na ki-waa'kii ya waa' buwiida, ⁵ Ya músallaruu, ee enndii an iñcaa du tumda júwin, wayee ya laakee yërmaandi garuu hen. Ee, ya músalinnduu, onndaruu kilímukis ga kipes

☆ **3:1** 3: 1 Mèdírohat na Room 13: 1; 1 Pee' 2: 13.

ki'as koorohha ga músú-bètísimaa, na Helaa yisela'í'jaa. ⁶ Helii yisela'í'yii yiima, Kooh yoosukdinndi ga dookkuu bi dooyin koorohha ga Yeesu Kiristaa, yii músalluuda. ⁷ Fodaama, ga kijofkaa ya teebpuuda, ya abohharuu bibo' bijúwí' ga fíkíici ee ya onndaruu kilaas ga kipeskaa leehoo taa' du yaakaa'da.

⁸ Inii yii wo'een wiwóori', ee mi waarin fu tuuk ga tek, en danaa buwii gëmu ga Koohda, ba ewruk ga kitum innaa jofin. Innaama jofin ee laakin jeriñ ga buwii.

⁹ Wayee kaa aas ga wo'een-nookohcaa laakoo haf, kaa aas ga kikín-caasamunkaa inohoo kileeh, kaa ñaroh ee kaa nookoh ga loo Waasii Móyíis. Incaama laakoo jeriñ ee ca laakoo solu. ¹⁰ Baa haydoh kihégískoh ga duuy buwumaa, ñaraari waas kíinoo bi ga waas kanak. Ya íissiinaa, kaalaari ga jaangaa. ¹¹ Baa man fodaama, wóorattaa an ya deegin Waasii wukayohwii, ee ya duucuk ga kitum baakaaraa, ya yaa san'ku' hafci.

Taṅkoh

¹² Mi hayyaa kiwosoh Artemas wala Tísík. Binaa ya le'aa, leenaa tumaa tooh fu gaaw kihay fu dabpoo ga teeraa Níkópólís. En ki'ena, mi am ki'ennee daama binaa soosoosii aasaa. ¹³ Tumaa tooh, fu amdoh Senaas, layohohaa, ya na Apoloos, en danaa ba ñakoo dara ga baawaagaba. ¹⁴ Buwii bok naruu ngëmda ban, ba guu'guulukat ga kitum yijóffí', en danaa, sooliciigaruu wëñ kibítóhda, du

mínca kipay. Ee fodaama, kipeskaagaba laak jeriñ.

¹⁵ Béeβ buwii enu naroo diida, bii kēñí'taa ga. Kēñíraa béeβ filiimuncumgaruu boku naruu ngēm enu dumaða. Mi yii kíim Kooh ya barkeellúu d'ú béeβpúu.

**Hewhewii winéwí'wii Kooh Kifiliimunkii
ki'askii**

**Noon: Hewhewii winéwí'wii Kooh Kifiliimunkii
ki'askii New Testament**

copyright © 2012 Wycliffe Bible Translators, Inc.

Language: (Noon)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 2 Jun 2022

7c1cfb93-c4c9-5127-ac22-ecb23adca870